

Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua
etiam ipsæ Rubricæ Notis brevibus illustratæ, & Martyrologij Romani
nomina suis Accentibus signata continentur, Ad Faciliorem Discentium
Vsvm Ac Prixin

Lohner, Tobias

Dilingæ, 1676

Titulus I. De Dominicis.

[urn:nbn:de:hbz:466:1-48333](#)

Quartus est Capituli, qui idem est cum eo, qui in Capitu-
lis Vesperarum & aliarum Horarum adhibetur, & supra jam
notatus est. Sed & quintus pro Oratione *Visita nos* idem est
cum Tono Feriali majore in Orationibus Simplicium Festo-
rum, imò & in Duplicibus & Semiduplicibus ad Orationem
primam Primæ, Tertiæ, Sextæ & Nonæ usurpat, nullám-
que, ut dictum est, vocis variationem admittit.

Sextus denique in Antiphonis B, MARIAE adhiberi solitus
Ferialis Minor est, de quo paulò antè in Vesperis dictum,
qui etiam pro Oratione *Dirigere ad Primam*, ad Ora-
tiones Litaniarum & Aspersionis aquæ benedictæ adhi-
betur.

De Tonis aliarum Antiphonarum, Psalmorum, Versicu-
lorum, quia plerumque non ab Officiatore, sed Cantoribus
canuntur, nihil hīc addere placuit, maximè cùm etiam plu-
res sint, quām ut tam parvo libello comprehendì commode-
queant.

P A R S IV.

DE SPECIALIBUS QUIBUSDAM FESTIS ET OFFICIIS.

ET si pleraque, quæ de his dicentur, hinc inde in Superio-
ribus partibus inspersa sint, quia tamen ad pleniorē
doctrinam, & memoriarum subsidium non parūm juvat, si ad
certos & communes Titulos redigantur, placuit & hoc adju-
mento Tirones non defraudare.

§. I.

De Dominicis.

I. **D**ominicæ ab Apostolis hanc nomenclationem acces-
perunt, eò quod Domini sunt, id est, divino servitio
con-

consecratae, & in Sabbatum Judæorum substitutæ. Hinc Gavantus p. 4. tit. 12. n. 23. notat, Officia Dominicanum nunquam omittuntur, quin saltem de ijs commemoratione fiant aut præcedenti aliquâ die non impedita celebrentur, aut uno tempore ad aliud transferantur.

II. Dividuntur primò in *Vacantes* & *Non vacantes*. Illæ sunt, de quibus omnino nihil fit in Officio, uti contingit, Festum Nativitatis aut Circumcisionis Domini, aut Epiphaniæ, aut Dies Festi & Octavæ SS. Stephani, Joannis, & Innocentium, aut Vigilia Epiphaniæ in Dominicam cadat. Non vacantes sunt, quæ vel totum Officium, vel saltem commemorationem, & lectionem Evangelij habent.

Secundò dividuntur in *Vagæ* (ut docet Gavantus p. 4. tit. 4. n. 4.) & *Fixæ*. Vagæ sunt, quæ nec certum cum aliis Ordinem, nec certum Introitum & alia accessoria (puta Offertorium, Graduale, & Communionem) habent; quæ sunt tantum quarta, quinta, & sexta post Epiphaniam, ut potest quæ interdum statim post Epiphaniam, interdum longè post Pentecosten celebrantur. Reliquæ omnes Dominicæ in contrario sensu fixæ dicuntur. Et hæc subdividuntur in *Dominicas solemnes* seu *privilegiatas* (quæ nulli communi duplice cedunt, & aliæ sunt primæ, aliæ secundæ classis, ut alibi dictum, & in Tabula Festorum Breviariorum praefixa videre est) & *communes*, seu *per annum*, ut vocant prædictæ Tabulæ, quæ cuivis Festo Duplici, non autem Semiduplici, nisi Vigilia Epiphaniæ, cedunt.

III. Si Dominica aliqua ex ultimis quatuor post Epiphaniam, aut vigesima tertia post Pentecosten exclusa fuerit, in nulla Dominica celebrari queat, tunc in proxima Feria antecedente, quæ nullo Festo novem Lectionum impeditur celebranda est, sed sub ritu simplici duntaxat, ita ut solæ Lectio, & Antiphona ad *Benedictus* cum Oratione ex Dominica sumantur. Si verò tota hebdomas impedita fuerit, in Sabbato saltem commemoratione fiet de Dominica, & non Lectio de eadem legetur. Arnaud. tr. 2. p. 1. tit. 4. num. 2.

IV.

IV. Si Dominica infra Octavam Nativitatis impediatur per duplia currentia, eo die, quo Universalis Ecclesia illam celebrat, de ea commemoratio facienda, & nonna Lectio dicenda erit. Idem tr. 2. tit. 6. n. 5.

V. Si Dominica infra Epiphaniam fuerit ab Octava die Epiphaniæ impedita, in Sabbato celebranda est; aut si hoc fuerit impedimentum per Festum Patroni, aut Titularis, aut Dedicationis, de illa tunc commemoratio facienda, nonaque Lectio dicenda erit.

VI. De Dominica secunda post Epiphaniam semper fieri debet Officium ante Septuagesimam; hinc si Septuagesima, ut fieri potest, immediate post Octavam Epiphaniæ cadat, tunc de hac Dominica vel in Sabbato, vel si hoc impediatur, prima die post Octavam duplici non impedita Officium dici debet; aut certè, si tota hebdomas impedita foret, commemoratio fieri, & nonna Lectio dici deberet, uti Rubrica de Dom. n. 4. præcipit.

VII. Dominica Trinitatis non leve cuiquam dubium creare posset, utpote quæ inter Dominicas primæ classis in Tabula Festorum ponitur; si enim talis est, cur Festo SS. Trinitatis, quod secundæ tantum classis est, cedit; si autem, ut Arnaudus tr. 2. tit. 19. ait, est Dominica communis, atque adeò in concursu cum Solemnibus Duplicibus Commemorationem in Vesperis secundis amittit, cur inter Dominicas primæ Classis ponitur? ad hoc dubium responderi potest cum Gavanto s. 6. c. 19. n. 2. Festum Trinitatis interdum Dominicam (quia in ea semper occurrit) interdum Festum vocari; cum ergo ex speciali privilegio participet cum Dominicas primæ classis in hoc, quod nulli Festo cedat; ex altera vero parte in Laudibus & Missis privatis commemorationem Simplicis admittat, meritò ob diversum respectum, idem Festum inter Dominicas primæ classis, & inter Duplia secundæ classis ponitur, ob quam causam fortè in Rubricis atque Officio de Trinitate Dominica propriè dicta, de qua fit commemoratio, non vocatur Dominica Trinitatis, sed prima post Pentecosten, ut indicetur, distinctionem esse inter Dominicam Trinitatis, & Dominicam primam post

post Pentecosten; eò quòd per hanc ipsa vera Dominica, illam verò Festum Trinitatis in Dominicam cadens integratur.

VIII. Dominica prima Adventus illa dicitur, quæ anno S. Andreæ proximior est; illa autem proximior est huius Festo, quæ vel cadit in ipsum Festum, vel antecedit illud inter primos quatuor sequentis hebdomadæ dies cadens; sequitur illud cadens in tres postremos antecedentis hebdomadæ dies.

IX. Dominica quoque prima mensis ea dicitur, quæ Cœlendis est proximior, proximitate hâc eodem modo explicita, sicut numero priore respectu Festi Andreæ explicita est.

§. II.

De Festis.

I. **F**esta Sanctorum illi sunt dies, qui sunt consecrati Sanctorum cultui, & memoriæ celebrandæ, ut, quemadmodum S. Augustinus l. 20. contra Faustum c. 21. ait, partim eorum virtutes imitemur; partim eorum meritis conficiemur; partim eorum Orationibus adjuvemur. Vocantur interdum *Natalitia Sanctorum*, non quòd eo die terris, sed cœlo per sanctam & beatam mortem nati sint.

II. Dividuntur primò in Festa *Chori & Fori*. Festa Chori sunt, quæ solummodo in templo Ecclesiasticis Officijs, non autem abstinentia à laboribus servilibus celebrantur. Festa Fori sunt, in quibus Fideles ad auditionem Missæ, & cœlationem à servilibus laboribus obligantur.

III. Dividuntur secundò in Festa *Mobilia & Immobilia*. Mobilia sunt, quæ nulli certo diei Mensis affixa sunt, qualiter sunt Resurrectio Christi, Ascensio, Pentecostes & similia. Immobilia sunt, quæ certis diebus Mensium ex prima Instructione affixa sunt; licet per accidens interdum impediri transferri debent in alium diem.

IV. Dividuntur tertio in *Solemnia, & minus solemnia communia*. Solemnia, prout hîc accipiuntur, sunt ea, quæ in Ecclesia cum extraordinaria solemnitate peraguntur; qualia censeri possunt duplia prima & secunda Classis.